



( 89928

序

霍山先生來華亭視教事計有五年於茲矣行峻而節安學懋而神沖望之淵淵卽之溫溫久而一致人自以為得師咸相與語曰吾師其非徒以詞章為承學率先者間以餘暇為歌詩長篇短什騰播藝林則又有如韓子稱樊紹述孟東野一則云其富若生蓄萬物一則云人皆劫劫我獨有餘又僉謂吾師才藻何發之盛大不可闕如是也永祺侍講席久禱昧不足測知一二顧竊嘗涉籀籀泳涯涘私心妄擬以為先生詩則誠富且工矣然豈襲績牽綴雕琢曼辭

懷岳學詩

王序

丁

而後至於斯者耶文與可之畫竹也胸有成竹執筆孰視乃見其所欲畫者急起從之蝸腹蛇蚶以至劍拔十尋天實生而具之畫竹者曾何容心之有假若節節為之葉葉累之是竹也而非與可胸中所成之竹也故夫先生本醞釀之宏贍而發形於章句翰墨鋪錦列繡霏烟吐雲觸手而春生落紙而泉湧莫不有神焉司乎其間而規矩自合而宮商自應雖然梓慶削鐻大馬捶鈎技進乎道器疑於神良工苦心要非一朝一夕之故其磨瑩煅煉精矣否則夏后之璜不能無考明月之珠不能無類烏能滙衆美之歸泯

毫髮之憾而斟酌風雅獨步詞壇哉昔趙紫芝為永嘉四靈之一以五言近體擅場嘗曰一篇幸止四十字更增一字則吾末如之何矣其精苦如此顧其能通之於七言乃知才力大小真不可強以視先生所詣古人未必盡勝今人也緣近刻先編七言律而漫及之先生方將引例還山婆娑家園嘯咏乎風花烟月鯉庭之天樂無涯謝墅之新篇日出會當訂全集公世則此八卷又特為溟海一灣瑤岑片岫而已時乾隆辛巳秋七月雲間門人王永祺謹識

懷岳堂詩

王序

二

懷岳堂詩自序

余生歲在康熙之己巳八齡失怙傷哉過庭之訓不復有所記憶矣居屢遷藏帙散佚先人手澤略無存者間從就傳之餘朝夕入侍先慈彭太君膝下時口授余兄弟古人詩句如焦仲卿妻詩木蘭詩勅勒歌等篇長短計數十首既長不忘每吟誦之胸膈間亦若有隱隱欲吐者然爾時師友率以時藝相督切聲韻之學顧所未及以故見聞不廣指授無人偶然學步匍匐邯鄲供見者之噴飯已耳迨其後從邑先輩葉文亟齋宗人歛邑權與京江耐圃遊三先生皆騷

懷岳堂詩

自序

一

壇老宿因得竊聞緒論遊皖城獲交於膠東高子西園並資薰染及秉合肥鐸職課有暇日爰與荆溪吳子是堂休邑黃子蓉村華亭曹子誠幾本邑李子層湖程子嘯軒亦山龔子慙山結存雅詩社月有程課數年以來追陪筆簡獲益良多厥後江陰趙子磨山亦入此社生平友朋相得之歡相資之切惟社中諸君子為久而無間云比歲遷次雲間遂至間濶詩社余不得復與且其間存歿之感尤有難言者而當日所從遊之三先生其作既已久矣高子東歸後動定亦杳不聞然則詩固不易言學即學焉而相與觀摩

受益之人亦豈能常聚也耶雲間風雅之藪作者固指不勝屈余初來此投分不深雖飢渴情殷尚未及執鞭弮以從事惟是顏老日甚志靡氣惰慮將望塵而奔更不敢再齒及此事矣已夏長日務簡檢舊稿閱之陳飯土羹俱不足存但其中有係一時情事及交遊贈答聚散因緣為生平所不能忘者稍為改訂刪存十之二三得各體詩共四卷自丁未以前者因所居災於水稿沒不復記錄此四卷若干首蓋起自丁未之秋迄於戊辰之春社中之作所存為多焉昔乾隆十四年歲次己巳仲夏月霍山張繼曾書於華

懷岳堂詩

自序

二

亭學署之桐雪書屋



味 擢 乃 歸 樵 圖



享 歲 正  
南 子 吉

霍山張先生歸樵圖贊

笠也曷賢樵也曷娛汗漫之與游支離之與屈指峯  
卯其前塵暖松外之故廬編詩萬首載書五車猶霍  
得適于山林豈鳳皇之可斂夫惟先生之德充神閑  
故視出處本末而超然自如彼鬱岳之天柱竇莫恥  
之所起先生之歸釋柯而陰弛擔而噓吸沆瀣而陵  
倒景招伯偕予子高其將踵古仙心之遺蹤而先寓  
興予是圖也邪

雲間門生沈大成學子琴題



懷岳堂詩目錄

七言律

元集

霍山張繼曾著

上卷丁未至戊午

下卷己未至乙丑

元集上下兩卷所編七言律詩自丁未起訖乙丑止丁未秋所居災於水稿沒無存以前者不復記錄嗣間有作不拘體裁及在合肥日以與諸同人結存雅詩社月有程課其課作亦不止七律今矩兒所輯以受梓者皆七律也計十九年中所作之七律刪存二百五十首

懷岳堂詩

元集

目錄

天  
清  
尚  
書  
印  
信  
章

懷岳堂詩元集卷上

七言律

霍山張繼曾著

華亭門人

張錫德

編

王鼎

丁未至戊午

登南岳

天柱山高鳥礙飛登臨空翠欲沾衣  
磴盤石脊懸千級藤迤松腰大十圍  
壇下銀泥埋玉簡廟中風馬動靈旂  
倚筇絕頂頻回首烟鎖孤城一抹微

望西峰

懷岳堂詩

元上

一

嶒峻面面削芙蓉涌出雙尖積秀重  
繞郭青圍三十里浮空翠拔九千峰  
蹄懸影颺雲中馬角挂烟縈雨後龍  
應有茯苓成大藥攜鏡我欲躡樵蹤

懸跡挂龍邑西山名

金陵弔故宮

戊申

故宮禾黍露溥溥鳳闕鐘聲一夢殘  
石峙雄關空虎踞金銷王氣隱龍蟠  
牋題燕子春何瘦扇灑桃花血已乾  
牆壞尚圍楊柳樹群鴉爭噪夕陽寒

至馬河拜項王墓

霸氣銷沈歲月遷尚留遺骨葬江邊  
寧甘北戰英雄死忍乞東歸父老憐  
宿草一杯澆冷汁長楸十里鎖

蒼烟興亡事逐寒流去憑弔還為暫繫船

平虞次陳汝諧雞字

四面歌聲合鼓鞞帳中泣下喚虞兮既然虎口難為  
脫肯把蛾眉漫放低血濺畫銷金鎖色魂飛夜逐鐵  
騅嘶東歸捲土重来日更有何人戒曉雞

皖城旅次早起與績溪陳汝諧貴池章璠侶

無為劉群卓太和王心簡話別

旅壁燒燈照別筵出門執手且流連離情同割三更  
夢行色平分半夜天荻岸漁舟江淼淼星關樵路草  
芊芊薜蘿歸後相思苦莫任鴻來闕報牋

懷岳堂詩

元上

二

社燕次葉亟齋先生韻四首

春風細細滿芳園燕子飛時日已暄翦破綠烟經柳  
听啄殘紅雨過花原社中有約尋踪密陌上誰來寄  
語温看爾巡簷還往便銜泥認補舊巢痕  
春郊一望碧無痕帝女妝成出禁垣裊裊颺開沽酒  
幔輕輕趁到種花村喚晴遲晝驚人夢掠雨長途斷  
客魂占盡風光渾不覺悄分香月伴黄昏  
王謝烏衣舊巷存飛來故故叫朱闌梁窠會看成千  
疊海嶠曾經往一番池畔片香泥欲乳枝頭杏開雨  
初昏尋常不入人家去安處難忘深受恩

參差影過綠陰翻  
覓草尋花出繚垣  
會遇賓鴻歸荻塞  
不隨牧馬到烏孫  
將雛泥濕千家屋  
送客雲飛萬里軒  
別去西風憑致語  
重來珍重待春溫

皖城遇胡坦中率贈

已酉

白岳聲聞久繫思  
相逢却在皖江湄  
平波綠草春同舫  
細雨青燈夜對棋  
茅店一旬樅市酒  
瓦橋千里薊門詩  
長安勝地同遊賞  
遲我豐臺藥放時

皖城旅次看高西園作畫

射雕家有舊藏弓  
發矢何如落筆工  
濕染雲生寒雨外  
乾皴木脫薄烟中  
有時迅速毫追兔  
亦覺從容目懷岳堂詩

元上

三

送鴻看盡旅窗春  
酒綠醉心常記皖城東

任邱早發

鄭州廢發早晴時  
磧路崎嶇蹇步遲  
衣上塵裁風片片  
鞭梢烟鏤日絲絲  
前林寺近聞茶鼓  
隔堠村遙見酒旗  
指點不須頻顧僕  
在家吾慣忍朝飢

過趙北口

線引長隄鎖斷虹  
橋頭獨眺駐行驄  
四圍草色連雲碧  
十里湖光漾日紅  
鐵戟沙沈尋故壘  
棠舟水淺閣秋風  
太平人憶前朝事  
不盡踟躕落照中

遊踪寄里同學

約畧遊踪近若何  
長安路踏軟塵多  
銅駝門外迴雕  
轂玉螭橋邊上  
畫舸入市晝呼  
燕客酒倚樓夜  
聽趙姬歌里中  
同學遙相問寫  
向長牋寄薜蘿

客中秋興

市馬金臺價未酬  
客踪此地暫淹留  
邸無多屋堆書  
卷橐有餘錢付酒  
樓殘碧風疎宮柳  
晚凋紅露重野  
荷秋雨過引得涼  
歸夢不聽孤蛩話  
夜愁

報國寺古松四首次倪次迂天字韻

偃蓋重重拂翠烟  
誰將鐵鑄混茫先  
輪囷入地蚪筋  
折凌競扶空鳳翻  
翻曉色春塵霜雪  
候秋濤夜戰雨  
懷岳堂尊元上

元上

四

風天徂徠逆數移  
根日不真靈椿是  
大年散誕瀛州綠  
髮仙朝驂嵐氣莫  
乘烟劫逃佛度無  
量後運啓神臬未  
奠前鷗駕風來翻  
碧浪龍拏雷劫孽  
青天一從摩頂皈  
依後自結雲巢傍  
座蓮老禿相偎不  
受憐一團蒼冷雁  
堂前秦皇封自巡  
行日夏后栽從錫  
命年黑入枯根曾  
化石白撐朽骨尚  
擎天莫言金布無  
多地五岳盤枝納  
大千

氣結鴻濛未剖前  
滄桑幾變那知年  
瘦枝拏攫枯能活  
短鬣翳髻醜作妍  
刀斧不戕金粟界  
冰霜常護蔚藍天  
中宵激楚聞聲處  
誰撥虛空霹歷絃

送鄭兩如還英山兼柬執五

都門寒日送君歸把酒橋頭手一揮短策鞭驢過竹  
舖尺書附雁寄柴扉近家松樹青成路繞郭梅花雪  
作圍暇日阿連如有問為言思曼不勝衣

聞汪修五故信寄悼二首

北地風寒雁叫頻夢回客枕獨含辛天涯最是思良  
友旅次那堪哭故人雪路素車歸未得瓦尊絮酒缺  
無使一函寄到三河日誰為持刀割凍鱗

離群牢落惜頻年更抱傷心隔九泉嶺畔春消三尺

雪

謂英山程伯起

湖中霜倒一枝蓮

謂巢縣周在豐

風高柳絮吟方苦水

懷岳堂詩

元上

五

涸桃花信又傳從此知音難再得素琴拋却不須絃

與萬星鐘話別

我讀峰樓第二篇相思每寄畫溪邊不圖北道驅車  
日却有南州下榻緣聚首且澆燕市盞離群又捉白  
溝船風塵一任三秋別待剖雙魚得報牋

出都留別程東升

客中裘敝不能更收拾歸裘一襖輕祇有孤鴻隨驛  
路誰同匹馬出都城蒼茫歲莫嗟行役寥落天涯  
別友生把酒橋頭勞送遠風吹衰柳重離情

早發寒甚

寒雞破夢客心違起看天星未覺稀飛到霜嚴刀割  
面吹來風勁鐵搜衣河邊馬踏冰難渡樹上烏噙凍  
不飛早有道傍人賣酒束稻燒火照林扉

臘月十九日兗州道上

是日  
立春

凍乾車碾雪為塵歸路都忘客况辛地越齊疆初入  
魯時過冬季又交春問程抵舍猶千里計日除年只  
旬料得閨人相憶切燈花每夜卜行人

徐州攬勝

洪河帶繞古徐州附郭人烟萬井稠墨霧濃吞雲夢  
曉銀濤怒捲呂梁秋鳴雞山近燒痕在戲馬臺高凍  
懷岳堂詩

元上

六

雪留一自蘇王觴月後至今勝地說黃樓

桃山驛謁岳少保廟詩

酌將杯酒吊精忠十載經營惜大功雪恥北征宜戮  
櫓偏安南渡不須公金牌名帥來何速毳幕稱臣去  
甚匆五國城頭寒日落骨留欽聖恨無窮

入霍山路

浪走長安役此形故山小別一年經綠英色嫩車初  
去金粟香濃履未停南岳僧來曾問訊西峰客過再  
叮嚀歸途此日逢良友一路將迎帶雪青

春郊寓目

策杖春郊步屢遷景多寓目總清妍迷濛野色遙涵  
水澹宕雲容徧寫天裊裊柳風搓線軟深深杏雨滴  
紅鮮趁晴衆鳥鳴聲好在林中度管絃

題程冠雲為鮑南亭夫子所畫瀟嶽圖

丹青妙品冠群英落筆能開面面生耳畔瀟騰諸水  
合眼中突兀兩峰撐林鳩沙鳥巢相向樵舍漁莊逕  
峇成一幅溪山圖捲去壓肩歸伴使君簾

庚戌夏四月雨中初入學署

屋係賃  
居者

軟轎衝泥入署樓沈陰夏雨氣如秋人來炊飯纔支  
竈客到烹茶尚缺甌破壁題詩湏匠補空瓶賒酒向  
懷岳堂詩

元上

七

鄰謀乍臨此地難為主觸目依然動旅愁

秋日送胡修亭遊楚

何事匆匆賦遠遊飢驅聊為稻梁謀孤鴻叫雨得途  
苦瘦馬盤山落日愁竹箭蕭森湘水晚魚龍寂寞洞  
庭秋歸期湏及陽春月莫待寒風襲敝裘

東郊迎候晚宿蓮花庵

莫入禪房憩竹兜漏催魚鼓撤經樓二分蟾影三更  
夢百樣蟲聲一片秋粥飯信人供佛竈旌麾節使占  
官邸老僧不管塵中事自照松燈補衲頭

杜氏園中綠萼梅

辛亥

雲容水態雪精神  
淡淡丰姿迥絕塵  
素手浣紗臨越浦  
綈裙曳佩步湘濱  
凡為林壑皆歸月  
但有冰霜即化春  
莫把臙支汙色界  
淨天仙子愛清真

送姚益園由壽春之六安

淮南舊雨夢孤聽  
金斗肯教跡暫停  
纜繫柳邊遲夜月  
鞭搖花裏散春星  
詩情澹遠生雲岫  
畫意蒼茫寄野亭  
此去程山色好  
八公青了九公青

初夏過廣華寺贈旦上人

手把香花繞佛龕  
安心來叩老瞿曇  
山房掃葉清如洗  
池水生苔碧半涵  
對客品茶揮舊麈  
留賓煮豆剥

懷岳堂詩

元上

八

新蠶間中得句還題壁  
墨氣淋漓滴翠嵐

耐冷齋中盆梅秋放索咏得三首

瓦盆矮樹色蒼蒼  
葉底嫣然見素芳  
邀月山家追昔夢  
迎秋官閣倚新妝  
冰肌未冷先憐雪  
玉骨初臞似怯霜  
遙夜思君君果到  
窗前悄影弄燈光

耐冷齋中曉色蒼  
一庭露氣染幽芳  
草牕春去還留約  
水榭涼生未洗妝  
夢醒樓頭聽舊雨  
信傳驛口感新霜  
孤山處士攜家隱  
秋老依然對孟光

亭臯木落蘚痕蒼  
幾寸孤椿再吐芳  
薜荔青圍高士屋  
芙蓉紅鬪美人妝  
雲階月地秋如水  
鐵樹銀花夜

有霜且借陶家尋菊酒瓦尊相對泛珠光

食蟹

喜尋公子涉江頭風味爭誇第一儔  
水際燈明紅稻熟霜前香飽綠橙秋  
剝筐手觸黃酥凍拚甲匙分玉雪流  
莫怪老夫饑口急鄰家恰送到新篋

菊

抱甕澆來菊幾叢籬邊開處伴西風  
千枝色亂蒼烟外一片香和白露中  
老健山人支瘦杖清臞野鶴倚疎籠  
佩蘭久在青城住醉臉依然似漢宮

壬子春壽東萊惠廸兄

懷岳堂詩

元上

九

移得扶桑近日邊蓬根托處接陰偏  
論交却在雲霞上錫姓同居翼軫先  
長我一旬尊雁序借君百里養鵬天  
峰頭欲採雲芽獻騎火剛來穀雨前

傷王生澤田

金烏不駐魯陽戈薤露翻為壯士歌  
螢火夜乾瘞筆硯鴉聲春冷泣松蘿  
雨荒蘭徑同心少風折瑤林落淚多  
地下修文君好去雙親頭白奈如何

程亦山子廷穎入泮時年十四

奮鱗一躍出幽潛為報崢嶸角尚纖  
業許入囊儕木桂定知劑鼎作梅鹽  
香分玉兔三秋蕊錦織紅蠶百

尺簾慢道染藍須借色青青已讓蜀山尖

輓陳節母

子定國  
合庠生

嬰杵閨門事更難太邱戶祚倚釵釐良金大冶鎔為骨古雪元池劖作肝鄘水汎舟原是栢謝庭繞砌已成蘭百年辛苦驚塵夢獨向雲中控紫鸞

羅郎親迎

鈿車十里引鳴騶夾路梅開護綵旂錦瑟靜調金雁轉綺筵淺酌碧螺浮畫眉客夢花生筆咏絮人歸雪滿樓不是多材能射雀怎教仙馭下瀛洲

癸丑春孟壽程亦山

懷岳堂詩

元上

十

曾到門牆認雪踪當年塵步愧追從風生筆陣馳文虎雲滿糟池護酒龍褰綦堂前歌棣萼綠衣隊裡奏笙鏞看花聽鳥春來事踏遍淮南數百峰

清明前一日集飲陳學詩齋中看紅梨

風晴庭樹錦絲垂寒食招呼過不辭佳節看花春灑澗間階藉草日遲遲醉拚綠醕澆三斗笑索紅香贈一枝歸到晚牕汲新水膽瓶滿注浸臙脂

和吳石霞城北晚眺見懷元韻

眺遠蒼然落照斜水光林影互紛拏投南鳥鵲爭呼陣拱北星辰漸吐華作客幾年春樹老懷人千里莫

雲遮無方縮地空惆悵歸步遲遲手背叉

滿城風雨近重陽疊韻五首

滿城風雨近重陽漠漠秋陰送晚涼樓上流蘇垂繡箔井邊落葉打銀牀聯飛旅雁雲為路軟睡閒鷗水是鄉一幅乾坤圖老米墨花濕處影蒼茫

竹色涓涓樹色蒼滿城風雨近重陽相傳隱者花三徑所謂伊人水一方古井苔深啼絡緯曲池蘋老夢鴛鴦闌門不作登高想兩手何須蠟屐忙

盤中蔬味闕新嘗小圃秋來日就荒幾處樓臺含暮景滿城風雨近重陽荷支敗葉難禁響菊抱疎枝不

懷岳堂詩

元上

十一

放香更欠白衣人送酒先生冷淡卧柴桑

庭樹陰森夜未霜猿啼鷓鴣警共悲涼僕因賒酒遲歸路人為催租屢到堂千里鄉關疎遠訊滿城風雨近重陽薄寒天氣從教懶布被閒攤客卧僵簾垂竟日坐匡牀睡鴨灰銷濕篆香離索琴尊經月廢疎慵筆硯共秋荒紅凋粉墜芙蓉幄碧老烟沈薜荔牆寄到故人詩一句滿城風雨近重陽

寄輓權輿二兄二首

種梅居士客揚州騎鶴驚聞赴玉樓故里徑荒歸夢杳他鄉櫬冷旅魂愁壁藏山水琴三疊藁英文章土

一邱二十四橋明月夜何人更上木蘭舟  
投分情深溯本支譜通兄弟勝連枝夜因霜冷曾同  
被朝為烟寒更借炊聽雨對牀勞枉駕分襟灑淚惜  
臨岐人棊亡後疎鴻雁一氣相關復有誰

寄送李靜侯老師歸洪都二首

西風吹角送行旌楊柳條疎拂路晴故里杖偕歸白  
社橫流手自出蒼生

公溢任時值六霍  
卜交撫卹甚至

曲抒經濟當官事

險涉風波冷宦情此去西江稱大隱百花洲畔釣絲  
橫

曾上春風座幾回門墻如我負栽培頑匠石勞磨

懷岳堂詩

元上

主

錢質朽工師枉度材獨有感恩銘肺腑何曾仰答效  
涓埃即今祖帳東門日猶缺攔輿餞一杯

耐冷齋介壽詩

自來好我示周行纖芥曾無跡未忘異姓不殊親骨  
肉同官何事有乖張葡萄瓮丐新筭鞅首藉盤分晚  
飯香蜀嶺梅開堪獻壽為君踏雪覓瑤芳

寄輓吳石霞

壯志凌霄誓欲伸未穿鐵硯竟捐身有心叱馭朱轅  
折無力迴戈白日淪戟豎須眉空入畫玉標骨骼已  
成塵讀書最是荒唐事誤死埋頭鍵戶人

執紼難期喚奈何  
眼乾無淚可傾河  
荒荒逝水塵踪絕  
杳杳空山夜雨多  
斷簡殘篇堆几案  
陳根宿草亂崑阿  
檢來對酒懷人句  
變作篇篇薤露歌

古劍

一條出匣水涵空  
吼壁搖牀半夜風  
當日塵埃離獄底  
祇今龍虎跳寰中  
雲開斗畔星文動  
酒對尊前氣魄雄  
匹馬橫行持汝去  
插天萬里倚崆峒

諧兩自廣陵之霍道過署率此奉

贈兩權與晚弟

渴想何如見面真  
秀眉初挹紫芝春  
清分竹葉堪謀醉  
淡到梅花却似人  
過鶴孤踪留永夕  
斷鴻往事感蕭晨  
從今來去淮揚路  
冷署休辭過問頻

懷岳堂詩

元上

三

乙卯夏孟移署留句別舊賃屋

學署傾頹屋賃人  
棲遲風雨幾經春  
已知問舍非長策  
忽又移居失舊鄰  
何處求聲堪寄跡  
前途去汝尚迷津  
徘徊大有難堪意  
梁燕喃喃話別頻

送江蘭臯之任金陵

柳拂河隄綠未殘  
登舟人入鏡中看  
亂流挂席隨風駛  
絮語停杯送酒寒  
豹略雲雷傳閩外  
魚書雨雪報江干  
石城此去高牙建  
花照雙旌簇繡鞍

梅蘭言生日

仙尉風流記玉屏清臞人想鶻儀形百城擁座芸烟  
綠一水環門石髮青夜永劍華生斗壁露涼蘭氣染  
秋庭小春自釀還分客龍角光芒逼酒星

依韻答桐城江大呂表姪

丙辰

春城雨雪客來初道故懽生握手餘驢瘦不辭勤駕  
遠魚寒頗怪寄聲疎過庭懼失吾家訓藏篋猶存爾  
祖書首着無嫌盤供薄掃將塵榻暫相於

江佩齡到署率贈

春陰晚巷鎖蒼苔剥啄聲聽歛竹來十幅風帆吹客  
至三年泥瓮為君開忍將翠黛拋螺子待把明珠憶

懷岳堂詩

元上

古

蚌胎

時新娶經年方娠

樓上有人穿望眼天涯先寄寸緘回

初冬送江方城表兄還桐城用令先尊人磊齋表伯閩參議署中送先君歸里二首韻

弟兄中表情何濶三十餘年少往還相見白頭驚客  
路乍開青眼對名山問途何速孤良晤分俸無多笑  
老慳歸向壺中尋活計

方城業

暨自活 倏然杖履寄餘閒

莫厭殘宵酒滿卮燈前猶得暫追隨文章不救飢寒  
苦牢落空餘道路悲八口啼號縈寤寐幾家門戶賴  
支持明晨鞭指桃城去正是乾風打葉時

晚次淮河待渡

淮流千里浪浮空對峙荆塗扼注東向夕天門屯虎  
豹何年鬼斧闢穹窿四山落木深冬候一片孤城莫  
靄中駐馬河邊人待渡出林魚火幾星紅

登塗山謁禹廟

觚棱天外俯群巒磴道扶登怪石攢此地群侯曾輯  
瑞於今四海尚安瀾壁跟古畫龍蛇隱樹頂危巢鶴  
鶴盤階下豐碑叢棘裡年深風雨字痕剝

雨中看殘梅

丁巳

聊對殘梅洗濁尊啼珠泣玉暫相存愁粘瘦粉空留  
影死抱寒香待返魂驢背馱詩泥滑滑樓頭按曲雨  
懷岳堂詩

元上

五

昏昏殷勤此夕如通夢還為羅敷拭淚痕

疎影橫斜水清淺

沙痕淺抹曲池平女字樞又照水橫雪貌瘦分冰鏡  
冷碧紋香泛玉壺清微風過處枝斜漾薄凍融時影  
倒明遙夜素蛾邀好伴美人一笑蕩波迎

太守高公生日二首

太守相國之子

保衡德業在麟圖式穀初耆五馬驅鐵嶺姿標千樹  
雪錦江才漾一川珠春郊仁覆堂馴雉甲第祥開榮  
集烏雲斂四圍天色淨台星夜燭斗牛樞

身依大廈仰穹窿親見丹池浴日功自是夔龍能配

岳由來申甫必生菘高山流水彈琴古盤槊橫刀作  
賦雄待向沙堤尋舊跡書名久貯玉甌中

白燕次太守高公韻四首

誰家門戶一番新軟碧搖搖欲近人青瑣乍開非故  
壘玉釵遙憶是前身眠深柳絮難呼夢啄盡桃花不  
醉春道上素衣來往慣相逢京雒愧縑塵

雙翎剪穀一身輕來賀朱門甲第成葦堦織花疎雨  
晚蘋洲獵葉晚風晴水晶簾外歸難認玳瑁梁頭立  
最明忽聽呢喃驚午睡教人錯罵雪衣鸚

毛羽天然織素機偶從社日見真稀行辭舊住烏衣

懷岳堂詩

元上

六

巷來問東家白板扉瘴海何年離垢至瓊樓有約待  
霜歸紅雲綠樹春無限點綴雙雙雪片飛

花下銜泥入綺籠主人賴有素心同添來曙色三分  
白占斷春香十里紅練影欲流鴛瓦外瑤光忽墮翠  
幃中雲邊相逐相呼處玉體斜斜故受風

再次

趙家姊妹倚妝新玉貌居然第一人紅縷曳傳窗外  
語霓裳舞見掌中身晚歸晒影非關月曉出穿花不  
妬春曾向吳王宮裡去畫梁觸處落芳塵

風際珊然骨節輕粉痕淡淡點妝成梨開曉院花能

語杏開春枝雪乍晴補壘泥粘珠箔濕窺簾尾挂玉  
鉤明金閨學士多才思莫向梁園賦赤鸚  
逐梭好上玉人機王謝堂前覓侶稀藉草春朝花滿  
地棲簷涼夜月臨扉家山霜老經年別海國雲深何  
處歸出衆風流惟自賞烏衣巷口不爭飛  
為赴春晴到舊櫳潔身還與去時同輕颺楊柳吹棉  
白細啄櫻桃滴顆紅浴影花鋪銀沼內將雛乳泛玉  
堂中閒庭日落依稀見一點明霞藉晚風

戊午春壽薛仿山先生

中州人合肥令  
薛公尊人

萬樹青浮萬岳春介眉君子嘏宜純文章霞蔚飛三

懷岳堂詩

元上

七

鳳閣閣雲高鍾石麟堂蔭紀碑猶在口桃源移棹早  
知津夢求不易懸車志安穩東山養大椿

白牡丹次韻

倚闌薄點粉妝新姑射驚看絕代人國色睡沈綃作  
帳天香散徧玉為塵午風含雪徧當晝夜月凝脂欲  
駐春若問洛陽誰第一自然紅紫讓清真

落花詩三十首

新翻樂府洗紅紅娘子休誇記曲工十二樓臺移晉  
苑三千粉黛出吳宮傳來芳信春烟外寄到啼痕莫  
雨中憶得錦屏人午醉逞將百媚倚東風

鉛華洗盡孰為容樹色參差積翠濃洛浦波回塵已滅巫山雲散夢無踪歌傳別鶴將愁老書寄雙魚寫恨重一自連枝分拆後花間姊妹幾時逢

隣家新釀不開缸苦我愁魔總未降客去篆烟沈睡鴨人過風影動鳴雁鴛鴦夢失溫溫伴蛺蝶香分款款雙巷口賣花聲頓歇幾回腸斷憶紅腔

別緒紛拏不自持愁儂鏡裡髻成絲慢敲綠玉摧歌板懶拾紅香送酒卮粉蝶魂銷春漠漠碧蟾影瘦夜遲遲依稀記得曾遊處渡口花深一棹移

花片隨風到處飛飄零無賴逐殘暉東園開閣名姝  
懷岳堂詩  
元上  
六

散西邸張羅好客稀庭院柳耽眠未起池塘草入夢相依抱琴有約過溪去綠雨新添水正肥

更無人跡到階除獨步扶藤草沒裾雨過飄香苔徑合月來移影綺窗虛生憎鸚鵡能傳語不分鱗鴻少寄書却為朝餐齋供好深深自摘後園蔬

美人肩瘦壓羅襦徙倚東風憶畫圖燕燕來時重作壘鶯鶯老去已將雛玉環荒冢埋羅襪金谷高樓隋石珠月下芳魂歸不得佩聲悽斷碧雲孤

聲聲逐婦勃姑啼綠葉烟籠萬樹齊宵月不留雲漢曉春風已度玉關西撲箇紅雪嬌人面滿路香塵襯

馬蹄認得酒旗斜，挂處相邀曾飲醉如泥。

夢裏荒唐舊雨乖，春風底事苦關懷。新墳草綠埋金盃，古井苔青挂玉釵。赴酒客眠姑嫂店，賣茶人唱女兒街。出門冷落無情緒，抱膝庭前晒笋鞋。

姑嫂店女兒街邑地名

野菜田田莢亂開，元都觀裏少人來。新愁舊恨繁如草，辱骨豐肌委作苔。子夜清歌憐絕調，陽春白雪負多才。眼前也覺滄桑變，紅粉銷沈問劫灰。

鴛幃不下任生塵，燕瘦空憐掌上身。篋裡衣寬腰易減，鏡中粉褪臉難勻。繁華境界追殘夢，酸冷杯盤餞暮春。眼眉百花飛已盡，柳條依舊送行人。

懷岳堂詩

元上

元

露華散處濺餘芬，太液池邊洗絳裙。血葬千年猶化碧，夢飛一片即為雲。書牽別緒封難報，曲按離絃聽未分。桃葉桃根無恙否，勞人苦憶倚斜曛。

武陵何處訪仙源，一葉烟迷野渡昏。匝地香塵迎帝女，連天芳草送王孫。不忘錦樹新題句，猶記青衫舊酒痕。南浦牽裾言別後，祇今回首總銷魂。

莫覓還魂絳雪丹，鴛幃夢破剝宵寒。梅枯石爛尋盟易，月瘦春臞對景難。何處園林花再好，幾家絃管宴將闌。青青無數垂楊柳，送客長亭拂馬鞍。

沿階錦爛作苔斑，斷送繁華祇等閒。楊柳綠迷烟外

渡杜鵑紅失雨中。山春缸畢釀為歡。少老筆無花得句。慳欲別任儂留。不住問他去。旆幾時還。

一望平原色似烟。雉媒驕處草黏天。翠樓珠箔傷遲暮。紫陌金羈憶往年。梅子梢頭青摘豆。楊花巷口白鋪氈。彩雲散後無消息。錦瑟羅襦在那邊。

青溪漫漫水平橋。柳線垂闌幾萬條。雙槳綠烟扶去艇。一肩紅雨壓歸樵。重尋香徑人何在。再訪仙踪路已遙。試問畫蛾樓上女。春山有恨那時銷。

草色鋪茵碧細交。藉他紅雪下烟梢。蟻扛隋蒂歸填穴。鳥接飛英遞上巢。豎骨有方求獺髓。續絃無處覓

懷岳堂詩

元上

干

鸞膠夜來月到。桃花隴水浸空林。白一四

畫鎖園門屈戌牢。不驚剝啄犬無嗥。影分嬌屋思明鏡。夢破珠樓想大刀。塵起江波凌素襪。風吹草色亂青袍。楚魂蜀血同歸盡。銷恨何須問絳桃。

春花一夢醒。南柯展轉通宵。魚茶何檀板清音。憐白紵。玉藥紅波。怨青蛾。追歡旖旎。心情減。寄別纏綿話語多。縱是洛陽風景好也。應無處問師哥。

師哥杜丹名

飄流那處更為家。信是紅無百日花。飛絮孤踪留海角。浮萍浪跡去天涯。一聲啼鳥山空綠。前度遊人髮已華。此日江州白司馬。青衫濕不為琵琶。

飛花無賴作輕狂，故故撩風落。又颺拂戶依然窺，半面入奩猶自倚殘妝。馬驕條折堤邊柳，蠶老陰稀陌上桑。可惜榮華好時節，背人一去太匆忙。雨打風欺最不情，紅顏誰為惜。傾城蹉跎已負尋芳約，流蕩空餘薄倖名。香冷蘿階閒睡鶴，雪深柳巷老啼鶯。門前惆悵題詩客，立破蒼苔少送迎。

從此春遊兩屐停，閒愁着髻已星星。休翻紅藥徵花譜，且抱清尊注酒經。出土笋芽燒糴紫，生仁杏子摘枝青。不教渡口迎桃葉，漫解烟波小畫舸。

碎剪春衫五色綾，颺風無力任凌兢。烟拖粉抹階三  
懷岳堂詩  
元上  
七言律

主

尺雨帶紅鋪閣一層畫，裡佳人難再得。夢中好事屬無憑，多生苦惱思除破。迴向空王禮懺燈。

乳燕銜泥濕畫樓，筠簾風靜畫垂鉤。當場漫作傾盃樂，對景難分破鏡憂。塵暗陌頭迷去騎，水連天際望行舟。早知花事無多日，悔不從前秉燭遊。

惜春費盡五更心，怎把良宵浪擲金。早起忽看花滿地，遲來惟見葉成陰。翻將別調絃難撥，揮却離尊酒罷斟。百畝園中苔半合，低飛蜂蝶漫相尋。

冶城春色老江南，何處名園可再探。枝上蹂紅風是女，庭中藉綠草為男。成毬柳絮拋樵路，似雨桃花漫

釣潭冷淡生涯吾作慣且煨殘汁覓微酣

遠樹浮空萬葉尖高樓影入翠雲匝路陰濃處山遙  
向溪面平時水近添韻友別來詩興索歌兒散後酒  
杯廉關門不管春閒事一任騰騰到黑甜

朱朱白白滿園芟誰為春林脫繡衫難把瑤華酬錦  
段待收艷骨葬珠函零香拌雨鶯兒坐剩粉團泥燕  
子銜世上堅牢無好物亂頭粗服看松衫

過劉彙升別業留宿

為尋仙客遁栖幽曲水扶闌得勝遊地僻原非塵可  
到人來或是氣相求盤桓真愛園亭好信宿還因風  
懷岳堂詩

元上

五

雨留一枕夜窗容卧處蕭蕭落葉下牀頭

次田伯謀咏懷彭城古跡韻四首

試劍石

四海兵銷一劍存威憑赤帝鑄乾坤夷秦虎氣騰雲  
上刈楚龍身記石根當日星辰歸掌握祗今雷雨泣  
精魂行人指點鋒稜在手撥荒榛認舊痕

戲馬臺

踏鐵曾經百戰場平坡騁處聽鑿鏘盤旋血灑池金  
勒蹀躞塵生脫玉韁九日風流餘觴咏五花塊歷想  
飛揚英雄躍馬成何事草没平臺下夕陽

留侯墓

荒園駐馬莫雲晴獨拜遺邱薦野羹天下英雄惟孺  
子人中龍虎是先生椎髻白帝乾坤震履進黃公意  
氣平漢不借侯侯借漢報韓心事甚分明

范增墳

老臣去矣謝君王定霸辛勞夢一場兔脫幸無烹狗  
禍鴻飛空笑沐猴狂招魂秀嶺愁長路埋骨雍門怨  
夕陽冢畔人家春賽晚年年紅飯一升香

水中雁字二首

渡水衝蘆不離群遙空墨汁灑紛紛翩翩清漢蟲魚  
懷岳堂詩

元上

重

註影落滄波亥豕分萬里捎書投屈子一行裁錦弔  
湘君南來到處銀塘淨還為羊郎寫練裙  
清唳聲聲度遠天書空幾字落平川投江漫作招魂  
賦蹈海新成記事篇影動龍蛇風九萬隙聯科蚪浪  
三千秦皇焚後竒文絕鳥跡浮沈自紀年

男 高矩校字

懷岳堂詩元集卷上

懷岳堂詩元集卷下

七言律

霍山張繼曾著

華亭門人

張錫德

王

鼎

編

已未至乙丑

寄祝壽春汪歲千

董子祠南屋數椽秋風孤矢挂門前  
百壺酒藉黃花地一片霞明白雁天堂上  
屐裙人是玉淮南雞犬骨皆仙  
即今羽獵需詞賦肯便眠雲老隱賢

隱賢歲千所居地名

題大呂小照

懷岳堂詩

元下

一

落紙毫端信有神虎頭隨意寫來真  
掀須柳下耽吟客脫輓花前嗜酒人  
三徑未荒思故土一編無恙屬前因  
生平慣習輪蹄苦畫裡飛揚氣已馴

晚集程嘯軒齋中看桂

不負花前一筇同筠簾日下捲  
西風影生黯淡黃昏後香散空濛  
碧落中載酒客登金粟界讀書人  
住蕊珠宮如盆白月當頭上燒燭  
何須照桂叢

正二日試筆柬涵無

庚申

雪積庭中白一方更無屐齒過門墻  
酒開泥瓮鵝浮綠花凍銅瓶蠟捐黃  
炙現爐存昨夜火濡毫墨發古

時香筠窗興到題新句還報西齋索和章

次亦山春日感懷韻

年來薄宦歎羈栖矮屋簷前首自低李廣力閒愁射  
虎劉琨身老怕聞雞故鄉夢遠尋難到新句愁多閣  
未題節近清明連日雨看花負我醉如泥

又用韻一首

屋賃民間跡暫棲垂簾小坐篆烟低水飛山走塵中  
馬海濶雲空瓮裡雞酒借近鄰牆上過詩吟野寺壁  
間題東風吹斷清明雨手自移花不洗泥

送家蒼晚領運終養歸惠州

懷岳堂詩

元下

二

橋頭解纜送歸旌唱斷驪歌酒罷行雲樹蒼茫鄉井  
念脊令風雨弟兄情十年報國牙樯穩萬里還家綵  
服輕此去嶺南鴻雁少報書祇恐阻來程

次亦山秋日遣懷韻

宿雨初晴暑氣收青浮桂葉滿庭幽一聲早雁和雲  
到數點疎螢帶月流力盡清砧今夜夢吹來涼笛幾  
人愁少陵老去風情減誰上瞿塘咏素秋

次吳是堂學署雞冠韻二首

停雲五色麗雕闌海外雞林伺講壇絳幄圍花皆玉  
樹青瓊列座盡雄冠鶴凰逐隊驚殊彩星露連栖戒

早寒未報曉籌東已白秋風昂首不須彈  
貫貝編璣俯畫闌天雞息羽宿花壇漫羞華髮堆青  
鏡却愛春雲簇絳冠似木偏承朝露重如星自結夜  
陰寒不鳴也覺威儀肅莫信吳兒浪品彈

得壽春汪姻家閨殤信傷懷有作並寄歲干

修齡二首

書報隋珠掌上傾臨風兩眼淚交橫  
瀟瀟無望他年事兒女徒傷此日情  
月蝕蟾蜍天易老石銜精衛海難平  
燈花別盡孤檠暗空對寒尊憶舊盟

高居昔日記過從雪路來追御李踪  
已酉冬從州刺史李公過慶賢宿其它

懷岳堂詩  
元下

三

金石百年敦夙好文章七發格愚蒙  
忽驚雷雨分雙鏢終許藤蘿附舊松  
為囑痴兒須記取八公山是丈人峰

冬仲若沂兄到署喜感交并即事成篇

雪寒不憚路悠悠蕭署行裘向晚投  
共被得陪連夜話離家暫緩十年憂  
淋漓命酒烹黃脚嘆啻燒燈照白頭  
犯得茶歌人唱處春山兄弟日同遊

陸雲五卷席

油壁香車簇仗回酒浮蘭味卷筵開  
春賒複帳燈呈穗花放重檐雪照梅  
筠管醮烟螺作硯犀梳臨鏡玉

為臺瑤琴一曲房中奏山水都從指下來

買屋學宮之西移署有作

北巷南街轉徙頻萍踪十載泛肥津任教門戶更他  
姓還抱琴書問舊鄰好鳥欲來聲是友名花將放氣  
先春莫言信美非吾土長乞湖山寄此身

次是堂見贈移署韻

宮牆居近不辭卑架帙無多手自移隙地預求栽樹  
法先春早約看花期香籠柏燭風傳酒聲押蓋簾雨  
聽棋客到行窩同一笑官教容易綰雙眉

辛酉人日草具小集次韻

懷岳堂詩

元下

四

人遇靈辰感物吟熏天日暖午烟深老盆貯雪開新  
釀矮紙裁雲報好音同坐俱非年少客經春不改歲  
寒心故園想到梅花發處處晴香破凍岑

寄慰

若沂兄

時嫂氏陳  
孺人新喪

灑淚裁書寄雁行霍雲肥水隔蒼茫言旋未得同攜  
手視殮何由慰斷腸人到別離時最苦情關仞儷老  
難忘安仁已是頭如雪莫更平添雪上霜

答陳松門手教並賀舉第二子

關情書信報銀鱗捧讀良規字字箴舉七定當思藥  
石充閭更喜得麒麟頭盈寸雪休嗟老掌握雙珠莫

道貧應是仙根貽蔭遠行看寶樹抱靈椿

訂諸同人過小齋看梅花

霏微夜雨濯冰姿屋角玲瓏破蚤枝纔霽不須銷酒  
假半闌正是看花時莫因夙醉驢嫌跨趁有春愁蝶  
未知惠我肯來還授簡羅敷含笑待題詩

麻明府惠蘭

肩移隻屐自茶堂綠玉深叢簇劍鉞雪舫釀秋來九  
畹冰壺消夏溯三湘午停靜拂風薰座夜半清分月  
浸牀待得花開邀客賞一時同襲令君香

送麻明府鳴佩歸里

時赴濟寧扶  
柩回廬陵

二首

懷岳堂詩

元下

五

幾年心事澈肥渠竹露梅風總不如官膳祇嘗新酌  
水宦囊惟積舊抄書夜眠犬靜千村月朝出花扶百  
里車壁立孤懷投分少偏開青眼愛迂疎

廬頂驚聞五老隳星飛難挽素車維香城鐵井塵瀾  
漫東郡南州路委遲兩地奔波紆去棹幾番衝雨促  
前麾他年再有依劉日面目當存似此時

次金荏圃贈移署韻

偶因名誤別終紈汗脚忙忙走尺三到處牽蘿為補  
屋何年鑿石得成龕夢蘇蕉鹿原來幻飽殺書魚不  
道甘世味而今嘗已徧故山歸去束樵擔

次茵圃耐冷齋看牡丹韻

然色當年出魏家名園爭看洛陽花錦幃繡被留春  
駐垂手招腰作態賒懶髓和硃新着雨猩紅染罽乍  
烘霞涉法買棹忙何事且對芳尊玩物華時茵圃有  
姑孰之後

李層湖五十

相國文定公孫  
原任魚臺令

烟霞拂袖早知幾花種陽城露朱晞象齒澤留先世  
笏龍章香籟列朝衣棋經得算能消酒陣驅愁  
數潰圍絲竹東山還自壽高歌白雪和應稀

次梅寄塵紙帳韻

素帷更比薄羅輕剪水裁雲類織成石榻分涼秋聽

懷岳堂詩

元下

六

雨水壺戛響夜聞更梅花影淡蟾將沒竹葉風踈蝶  
易驚一枕高眠塵不到遊仙夢已入蓬瀛

耐圃兄自蜀歸枉道合肥顧余學署笑出近

稿見示

蜀路崎嶇已倦遊束書長揖謝諸侯三年作客塵凝  
面萬里還家雪滿頭久別鄉園荆樹老平添風雨竹  
林愁時方得翼  
南在故信囊中怪得篇篇好曾浣詩腸濯錦流

夜泊東湖口東同舟諸子

布帆晚落住行舟山口殘雲鎖斷流估客提壺沽酒  
去村童倚笛和歌留風生孤枕涼吹夢月入平湖淺

早寒未報曉籌東已白秋風昂首不須彈

貫貝編璣俯畫闌天雞息羽宿花壇漫羞華髮堆青  
鏡却愛春雲簇絳冠似木偏承朝露重如星自結夜  
陰寒木鳴也覺威儀肅莫信吳兒浪品羶

得壽春汪姻家閨殤信傷懷有作並寄歲干

修齡二首

書報隋珠掌上傾臨風兩眼淚交橫灑凝無望他年  
事兒女徒傷此日情月蝕蟾蜍天易老石銜精衛海  
難平燈花剔盡孤檠暗空對寒尊憶舊盟

高居昔日記過從雪路來追御李踪

已酉冬從州刺史李公過隱賢宿其宅

懷岳堂詩

元下

三

金石百年敦夙好文章七發啓愚蒙忽驚雷雨分雙  
鏐終許藤蘿附舊松為囑痴兒須記取八公山是丈  
人峰

冬仲若沂兄到署喜感交并即事成篇

雪寒不憚路悠悠蕭署行裘向晚投共被得陪連夜  
話離家暫緩十年憂淋漓命酒烹黃脚嘆惜燒燈照  
白頭犯得茶歌人唱處春山兄弟日同遊

陸雲五番席

油壁香車簇仗回酒浮蘭味盃筵開春賒複帳燈呈  
穗花放重檐雪照梅筠管醮烟螺作硯犀梳臨鏡玉

為臺瑤琴一曲房中奏山水都從指下來

買屋學宮之西移署有作

北巷南街轉徙頻萍踪十載泛肥津任教門戶更他  
姓還抱琴書問舊鄰好鳥欲來聲是友名花將放氣  
先春莫言信美非吾土長乞湖山寄此身

次是堂見贈移署韻

宮牆居近不辭卑架帙無多手自移隙地預求栽樹  
法先春早約看花期香籠柏燭風傳酒聲押蓋簾雨  
聽棋客到行窩同一笑肯教容易縹雙眉

辛酉人日草具小集次韻

懷岳堂詩

元下

四

人遇靈辰感物吟熏天日暖午烟深老盆貯雪開新  
釀矮紙裁雲報好音同坐俱非年少客經春不改歲  
寒心故園想到梅花發處處晴香破凍岑

寄慰若沂兄

時嫂氏陳孺人新喪

灑淚裁書寄雁行霍雲肥水隔蒼茫言旋未得同攜  
手視殮何由慰斷腸人到別離時最苦情關伉儷老  
難忘安仁已是頭如雪莫更平添雪上霜

答陳松門手教並賀舉第二子

關情書信報銀鱗捧讀良規字字箴舉匕定當思藥  
石充閭更喜得麒麟頭盈寸雪休嗟老掌握雙珠莫

道貧應是仙根貽蔭遠行看寶樹抱靈椿

訂諸同人過小齋看梅花

霏微夜雨濯水姿屋角玲瓏破蚤枝纔霽不須銷酒  
假半闌正是看花時莫因夙醉驢嫌跨趁有春愁蝶  
未知惠我肯來還授簡羅敷含笑待題詩

麻明府惠蘭

肩移隻瓮自茶堂綠玉深叢簇劍鏃雪舫釀秋來九  
畹冰壺消夏溯三湘午停靜拂風薰座夜半清分月  
浸牀待得花開邀客賞一時同襲令君香

送麻明府鳴佩歸里

時赴濟寧扶  
柩回廬陵

二首

懷岳堂詩

元下

五

幾年心事澈肥渠竹露梅風總不如官膳祇嘗新酌  
水宦囊惟積舊抄書夜眠犬靜千村月朝出花扶百  
里車壁立孤懷投分少偏開青眼愛迂疎

廬頂驚聞五老隲星飛難挽素車維香城鐵井塵瀾  
漫東郡南州路委遲兩地奔波紆去棹幾番衝雨促  
前塵他年再有依劉日面目當存似此時

次金宦圃贈移署韻

偶因名誤別終紈汗脚忙忙走尺三到處牽蘿為補  
屋何年鑿石得成龕夢蘇蕉鹿原來幻飽殺書魚不  
道甘世味而今嘗已徧故山歸去束樵擔

次茵圃耐冷齋看牡丹韻

紫色當年出魏家名園爭看洛陽花錦幃繡被留春  
駐垂手招腰作態賒懶髓和殊新着雨猩紅染罽乍  
烘霞滌江買棹忙何事且對芳尊玩物華

時茵圃有  
姑孰之後

李層湖五十

相國文定公孫  
原任魚臺令

烟霞拂袖早知幾花種陽城露朱晞象齒澤留先世  
笏龍章香篋列朝衣棋經得算能消酒陣驅愁  
數潰圍絲竹東山還自壽高歌白雪和應稀

次梅寄塵紙帳韻

素帷更比薄羅輕剪水裁雲類織成石榻分涼秋聽

懷岳堂詩

元下

六

雨冰壺戛響夜聞更梅花影淡蟾將沒竹葉風踈蝶  
易驚一枕高眠塵不到遊仙夢已入蓬瀛

耐圃兄自蜀歸枉道合肥顧余學署笑出近

稿見示

蜀路崎嶇已徬遊束書長揖謝諸侯三年作客塵凝  
面萬里還家雪滿頭久別鄉園荆樹老平添風雨竹  
林愁

時方得翼  
南淮故信

囊中怪得篇篇好曾浣詩腸濯錦流

夜泊東湖口柬同舟諸子

布帆晚落住行舟山口殘雲鎖斷流估客提壺沽酒  
去村童倚笛和歌留風生孤枕涼吹夢月入平湖淺

漾秋明日江邊分手處烟波回首各生愁

悼耐圃兄

耐圃家京江今秋客遊來霍卒於少尹朱君署中即權厝於霍之南郊

苦雨西風冷雁行浪遊回首路茫茫病中土榻依窮署死後桐棺滯異鄉黑夜旅魂吟落月空山老骨伴殘陽我歸尋到栽楊處手自提壺酌酒狂

贈李鵬山明府

曾記當年一識韓

壬子共事南開

雲山書闕報平安春風鳧鳥

人重見舊雨琴尊夢未寒花放梅亭朝浥露月澄笛浦夜無瀾清光近與樓臺接不似從前御李難

壬戌人日次是堂韻

懷岳堂詩

元下

七

去歲今朝對酌時草堂有句寄閒思匆匆晝景駒馳速漠漠春陰雁去遲簾捲茶烟消瓦竈牕銜梅影度水枝風光流轉渾閒事獨愧年來髻有絲

雨中次是堂韻

霏微細雨散絲斜一帶園林盡米家織霧身輕穿燕子麴香腮淺浴桃花畦邊戴笠行鉏藥簾外俛爐聽煮茶春晝却看來夜色迷濛兩眼濕烟遮

次亦山送春韻

連雨新晴剗曉寒日華停處露綵乾嬾憑鳩婦眠深樹惱任鸚哥罵曲欄猶有殘芳留眼角曾無好句上

眉端柳堤到處池塘滿坐選濃陰拾釣竿

初夏程子嘯軒亦山兄弟招同吳子是堂黃

子蓉邨曹子誠幾李子層湖龔子慙山集

七桂軒結存雅詩社卽事二首

限生香

庭前桂樹密陰成隱映虛窗碧暈生一徑落花空寂  
寂滿林啼鳥自聲聲縱兼風雨宜晨夕儘有圖書悅  
性情連日車塵勞攘甚到來心跡喜幽清  
披襟坐快午風涼首夏清和日正長窗下鷓鴣摹古  
帖爐邊雀舌試新湯堆盤果摘朱櫻軟滿箸蔬煎綠  
筍香相對醇醪心已醉百花况復酒連觴

懷岳堂詩

元下

八

麗人

好將花月比容輝水綠裙拖襯絳衣茗椀香爐耽午  
坐車音人影踏春歸吳宮夜織疑神女漢寢晨妝妬  
玉妃若向陽臺迷楚夢便應化作綵雲飛

才子

橫槊人誇作賦強古今天地一詞場但看得句驚星  
落自是分才上斗量玉格生來花是筆珠江濯後錦  
為腸有時思涌雷霆速十吏書教手腕忙

俠客

愛他屠狗董殊倫然諾無欺意氣真熱血一腔騰赤

練寒鋒三尺嘯青萍願將魂魄從公子敢惜頭顱借  
美人海內有誰知季布鐵驄隻影走黃塵

酒徒

為愛青尊解黑貂葡萄出榨亂珠跳須教病葉狂花  
避不待乘船走馬邀喉渴百川瓶一吸胸撐五岳甕  
頻澆柴桑呼起陶元亮同過高陽洗酒瓢

台園不置字

菜根有味老來耽學圃無師事易諳曉灌分泉呼稚  
子晚鉏乘月課丁男閒談偶向瓜棚憩生意常教藥  
地酣一自服勤還往慣綠苔踏破徑三三

懷岳堂詩元下

九

題徐文長桐陰消暑圖限山字

禿篲橫皴屋數間桐陰深處敞柴關抄書窗裡嵐光  
濕洗硯池邊石溜滂雲氣將成先蘸水墨花纓落半  
遮山披圖變覺涼砭骨消暑何須問綠灣

晚泛城南曲池看荷花

晚把蘭橈泛綠池人來香海與鷗期揭開翠被窺霞  
臉洗盡紅妝露雪肌纖月入尊懷舊雨輕風回棹唱  
新詞六郎笑我耽吟賞白盡顛毛不自知

秋聲四詠

晴蟬

涼天處處起清淒樹曳蟬聲遠近齊鎖院梧桐晴漏  
午板橋楊柳夕陽西幾回激楚傳秋早一段悠揚入  
韻低遷客正逢搖落候不堪屬耳莫頻嘶

雨葦

連日秋陰砌草殘  
蟪蝻雨裡織湘紵  
淒淒似灑孤舟  
淚切切如啼遠  
戍寒楚客蕭涼傷別易  
王孫流浪怨  
歸難幾時得  
傷珊瑚枕儘意金籠叫夜鸞

曉雁

星散難人罷唱籌却聞塞雁報雲郵聲來隨地天初  
白咽處含霜氣已秋曉角同傳烽外戍晨鐘別和兩  
懷岳堂詩  
元下

十

戶樓叫空不附邊庭信夢破深閨獨惹愁

夜猿

樹影蒼茫繫艇遲啼猿裊裊下高枝荒山月黑無人  
見遙夜江空有夢知長嘯五更纏鼓角氣號孤枕入  
心脾難堪聽到聲殘處露葉敲蓬欲解維

秋林紅葉

霜入平林着色稠人間有路到丹邱日烘爛錦鋪樵  
金霞浸濃脂抹釣洲客枕心驚搖落候故園書問淺  
深秋登高老眼憑雙醉買酒何須典敝裘

夜集層湖露香草堂二首

堂鎖貞松

御筆留平泉剩有舊風流掃門客散羅

堪設吟社人來轄尚投壁挂桐孫虛閣靜叢分桂樹

小山幽尊前笑口同開處祇有張衡咏四愁

行酒西園夜未停婆娑起舞醉兼醒釭花灑灑垂雙

穗露氣融融浸一庭銀漢欲傾斜挂斗墨雲初起半

遮星更殘聽轉天街鼓公子留賓戶尚尙

老女臨妝二首

已拚蓬首閉妝臺閒裡傷心賦落梅待字十年求庶  
士愆斯幾度少良媒歲蕤鎖屈紅閨冷翡翠衾單絳  
燭灰聞道鄰姬矜隋馬也將菱鏡拂塵開

懷岳堂詩

元下

士

薄蟬雙顰髻絲烏峭插鸞釵手略扶細步嬾搖雕玉  
佩瘦有怯雁繡羅襦花前綽約當初好林下風流自  
昔殊春去蛾眉隨意畫淺深莫問入時無

送陳相臣之貴陽

盤水遙開列將營長腰鼓擊欵前旌苗疆邊幅瑯戈  
偃提闡中權畫角清勞苦奉公金鑰重開關奉母板  
輿輕莫因羅甸山川遠遂濶鱗鴻寄遠情

無題四首

別後星流歲月殘杳無青鳥報平安芙蓉錦剪鴛機  
斷葦菖香消翠被寒燈暈碧零金錯盞淚珠紅透水

晶盤彩雲飛向巫山去吹破瑤笙欲駐難

忙裏偷來碧玉家門前垂柳繫青騮強挨菱鏡看調  
粉泥倚筠爐教煮茶袖捲雙鬆纏背釧衣單緊束貼  
胸紗昔遊道憶都成夢怎怪盈顛髮盡華

無端脉脉淚盈眶始信人間有斷腸弄管未調鶯已  
老銜泥忽隨燕空忙花顛似絮香離樹月細如絃影  
屨牀若向珠樓問消息也應憔悴不成妝

曾共乘鸞去學仙劫淪苦海出無緣雲飛雨散三千  
里極斷蓬飄二十年愁病近來惟我慣飄流無自望  
卿憐蘭香願祝重相見錦瑟徵歌續斷絃

懷岳堂詩

元下

士

和湯奕園冬月

斟冰花釀酒盈觴獨酌階前對素光竹个細臨清弄  
影梅魂淡寫悄生香澄澄冷灌千林水艷艷明鋪萬  
瓦霜信是四時冬最苦姮娥獨處耐宵長

元夜玩雪

癸亥

元夜漫天雪陣狂俄驚尺厚積街坊銀花歷亂風淒  
緊火樹迷離月渺茫走燄玉樓燈馬歇抱珠瓊海燭  
龍藏閉門那復聞簫鼓自煮芽茶淪醉腸

雪羅漢

曾聞化國鑄金人今看緇披白玉塵火宅已逃焚後

劫冰天忽現定中身三千說偈空成色六出拈花幻  
是真自向雪山行脚去不知大地有陽春

上太守楊公二首

公湖  
廣人

作鎮南方嶽有神高騫衡秀入青冥山靈在昔生申  
甫人瑞於今產鳳麟報國公忠書漢鼎傳家清白表  
湘筠自從黃雀環銜後奕世蟬聯領搢紳  
兩年豐稔塲堪栽笛浦人歌叔度來綠雨無邊榮草  
樹紅雲到處覆樓臺八千歲計春秋永五百期符泰  
履關太史近傳占象緯長庚原不隔三台

露香草堂月下看玉蘭

懷岳堂詩

元下

三

座上吹來氣勝蘭璧人初試羽衣單晚尊深把冰魂  
泛夜月疎籠雪影乾燈暈碧銜綃帳皎露華清結玉  
臺寒蕩舟曾記南湖去烟雨樓前倚棹看

次亦山虞美人韻

歌罷虞兮淚不揮美人化作彩雲飛影翻蛺蝶新歌  
板香散鴛鴦舊舞衣江水空流愁落日園花無主怨  
殘暉血乾杜宇春何在冢上年年草不肥

新竹

遲日園林澹宕風過墻竹笋籜猶籠雷驚未化龍孫  
稚雲薄難栖鳳影空響戛嫩瓊微雨外痕留新粉淡

烟中白雲窗下無多地幾個疎疎已作叢

蓉村碧山草堂落成

小築翛然遠市喧碧山自署比花源嶺雲晝起陰當  
牖溪水春生綠到門庭際鳥歸松竹茂墻東人避薜  
蘿尊課兒功罷無餘事煖酒牀頭索瓦盆

箏笛浦懷古

銅雀臺傾鄴水荒浦遺箏笛亦滄桑管絃淒斷聲難  
續雲雨分飛夢久忘玉骨夜沉荷芰亂浪花春泛綺  
羅香艤舟漁父閒來聽祇有棲鷗噪白楊

折劍

懷岳堂詩

元下

十四

拚斲沈沈水一條鋒稜缺盡七星凋風雷罷吼龍身  
死斗無光虎氣銷霜悴蓮花辭舊室沙沈蘭葉認  
前朝不堪持贈空悲詫頭白封侯夢已遙

破琴

獨抱雲和怨不禁難將破衲感知音鸞離鶴別山空  
杳雪散風歸水自沉古錦囊拋塵榻上玉蕊星落壞  
墻陰當初浪把孤桐碎可有文章價抵金

退筆

身退無文卧一邱管城誰識故時侯鋒銷海上明犀  
老穎禿山中顧兔愁湘浦淚乾塵漠漠草窗花謝夢

悠悠從今判斷凌烟想甕裡深藏不出頭

壞硯

腹爛蟾蜍血色蒼空勞匠石切瓊肪金城瓦解墮全  
壁墨海瀾枯失古香踪沒馬蹄冰坼骨暈銷鳩眼淚  
盈眶隴西處士風流歇誰授晴窗補硯方

冷露無聲濕桂花疊韻五首

冷露無聲濕桂花一簾清潤暗香賒人歸曲徑留燈  
影鷓鴣宿空庭晒月華竹榻涼生風悄悄銅壺漏滴水  
此世涼宵客夢原難穩莫怪牀頭蟋蟀譁

疎鈿銜影漾窗紗冷露無聲濕桂花宵戍時聞傳鼓

懷岳堂詩

元下

五

角秋河不動歷簷牙鄉關路繞羈人枕斗壁星回使  
客送簌簌林梢風弄竹驚栖膈臍亂群鴉

秋氣蕭涼夜入衙一檠深坐薄帷遮清霜有信驚蓬  
梗冷露無聲濕桂花欲寫遙牋傳雁磧空聞玉笛怨  
龍沙更殘酒渴童眠棘手撥泥爐自煮茶

月光如水浸荻笆庭藻紛紛影亂拏五夜漏傳銀箭  
急一天雲淨碧津斜空階隨響淒桐葉冷露無聲濕  
桂花冰簾香侵入夢悄不知秋思在誰家

夜色空濛望裡賒占巢風定穩棲鴉笙歌歇處人初  
散參井移時影半斜雁陣低昂排玉宇蟲鳴瑣碎咽

金笳遙聽鼓轉閒庭靜冷露無聲濕桂花

送曹誠幾之樅陽

行李秋風信所如關山險阻路經初村中酒鞍憑教  
買道上詩成不及書滿地清霜荒磧雁千林黃葉板  
橋驢暫違也覺生悵惆冷我吟壇一月餘

箬笠

疎放林泉散髮宜罩頭笠子影斜欹儋州路口人題  
畫飯顛山頭自咏詩倚釣能禁朝雨灑荷鋤儘受晚  
風吹當途須避乘車客覲面相逢下恐遲

草衣

懷岳堂詩

元下

去

遙夜孤燈照竹扉把茅手自織為衣籬邊晚挂雲千  
縷谷口朝披雨一圍紅杏黏犁驅犢去綠苔染棹打  
魚歸玉生莫灑蓬蒿淚曳紫方知出世非

芒鞋

束芒細剖作絲柔一編編成價倍酬碎踏雲根樵徑  
外走殘霜跡板橋頭尋芳可任青泥浣採藥能禁凍  
雪蹤却為鄰人嗔不借擲空化鷗去浮邱

竹杖

淇園幾尺斬琳琅製就過身杖一方促節無心調律  
呂疎痕有淚染英皇鳩形衝雪頭先白龍蛇穿雲骨

尚蒼攜出挂錢常滿百行行覓醉舊爐傍

樓拂

曾登石翠最高峰手把枯欄剝幾重  
露鬣霜須偕道侶亂頭粗服少塵容  
王孫尾斷千金塵公子髯拋五色龍  
剩有壁間棕拂在年年無恙比青松

繩牀

靠壁麻繩一榻編枕書伸脚絕塵  
綠道遙鷓子栖雲箔安穩漁人踏浪船  
月冷珊瑚窗自鎖孤燈翡翠帳空懸  
蒙頭且任沈沈睡無事關心即是仙

紙帳

懷吾堂詩

元下

七

冰紋紙帳挂筠牀四壁銜燈漾素光  
閉戶惜風兼惜雨開窗宜月又宜霜  
弓刀毳幙邊庭遠紡管紗帷講席荒  
怎似梅花消受處白雲如海夢魂涼

磁枕

高支磁枕色晶瑩栗栗砭人骨髮清  
素質無瑕礧玉就碧紋如水斲冰成  
涼侵神宅春難逼甜入華胥夢易生  
却到十洲遊未徧忽聞耳畔有雞鳴

僧鞋菊

晚花如繡屣墻東帝女芳踪託梵宮  
籬下一雙遺露影階前幾兩綴秋叢  
歸堂跡印敲門月挂錫香生渡

海風不踏垢塵歸淨域却忘舊樣俏如弓

從弟聿修到署時甚寒解敝裘贈之

歲月無憑似水流雁行一別七經秋青萍看爾纔開  
匣雪刺鱗子半上頭屈指親朋誰老健關心家室未  
綢繆蕭然布被寒如鐵聊為分溫解敝裘

露香草堂哭李層湖二首

底事辜帷喚不應黃錢焚處紙灰騰淚留竹榻三升  
血骨閉桐棺一窖冰酒散難忘同踏月棋殘苦憶對  
燒燈脫離塵海倏然去剩得傷心賺友朋

鸚鵡裁來賦尚新珊瑚筆格已生塵徒勞飢渴思公

懷岳堂詩

元六

大

子絕好園亭失主人桂樹寒澁難禁雪梅花凍死不  
成春露香舊是聯吟地躡屐重窺拚淚頻

挽巢邑向濟川

已聞詩骨埋黃土此後誰將五岳登千里湖山空藻  
色一叢蘭蕙削霜稜酷乎天不容貧賤慟矣吾頻喪  
友朋酒注瓦尊遙寄酌臨風和淚結成冰

元節後一日宴是堂齋中向夕散後同亦

山崑一步縣橋看月因過碧山草堂添

醉甲子

宴罷相期柳外橋依然風景是元宵行來曲巷燈斜

轉聽到高樓管細調水魄上時光倍皎花鈿墮處步  
偏嬌草堂人正攤書坐添醉何辭叩戶遙

東關迎候晚歸

騎塞官街走徑歸晚雲濃處失星輝三條路又驢能  
轉一箇羣離雁尚飛城上角吹聲斷續河邊船弄火  
依微譙樓已報初更盡為叩重關再啓扉

春晴

使院作  
限春字

檐牙露色散良辰三徑泥温不起塵出谷鳥聲求舊  
友滿園花氣接芳鄰安排康樂遊山屐整頓陶潛漉  
酒巾階下承暉欣小草迎風披拂樂回春

懷岳堂詩

元下

九

遊大蜀山

郭外春遊攬物華徑穿林麓駐行車幾雙學語迎人  
燕大半無名夾路花茶放干枝燒樹滿泉分一道下  
山斜連騎屬咏歸途曉遙聽沈沈鼓報衙

陪祀農壇事竣閒步

禮罷郊壇路各分徘徊郭外倚斜曛馬鳴嚼勒人爭  
去鳥喚提壺客欲醺烟草淒迷開士塔松楸盤鬱相  
公墳田田水滿秧針出黃犢拖犁破綠雲

見祭掃者有感

改火風晴轉綠縈人家祭掃出東門三升碧甕澆原

草一陌黃錢挂墓門蝴蝶亂飛都入夢杜鵑頻叫最  
傷魂松杉護處先坐在西望雲山是故園

送李鷓山明府陞和州赴部引 見

手把名花到處裁淮南爭借濟川才雷封祇許三年  
住星檄頻傳十道催鸞鳳羽儀留鐵井驂駟聲價長  
金臺橫江鼓角秋風裡佇待干雲綵仗回

湯奕園寄惠時魚

王孫居僻傍湖干雙尾星賈出曉瀾黃鳥聲中春已  
去銀鱗眼底雪猶寒浮蛆釀出蒲桃甕縷膾鮮登首  
嗜盤貧薄齋厨無好物封題尺素報琅玕

懷岳堂詩

元下

二

老妓

往事閒思感畫蛾韶華對鏡惜蹉跎烏蹄角枕朝雲  
散蛛挂交窗暮雨訛醉裡霓裳曾解舞夢中玉樹記  
徵歌鍾情舊有風流在誰道徐娘髻已皤

退卒

壘頭閒自解衣看手按當鋒舊箭瘢賣劍買來黃犢  
健放鞵掣去皂鵬盤啼鶯慣聽春林早飲馬都忘雪  
窖寒筋力猶堪事耕作把犁漫發撫髀歎

榴火

誰道花開不是春炎炎吐火綴枝新烟籠翠幙燒紅

透燄徹霞天煮綠勾夜色歌筵休秉燭晝陰講席可  
傳薪何須八百牛耕月照眼珊瑚出海濱

蚤出湖口

占風信轉五更天纜解垂楊老樹邊鷗夢鶩驚搖月  
櫓烏飛散逐過湖船日升海角雲初斂岸束灘梢浪  
欲旋行到浮橋關未啟居巢或綠漫遷延

投贈湯奕園

秋水懷人一纜牽幾程鏡裡瀟湖天草經綠後思春  
雨葭到蒼時隔莫烟待客牀西關酒甕遲余窗下檢  
詩篇居巢城外風帆便在山前門不繫船

懷岳堂詩

元下

三

太平使院前喜

十年一別小滄桑忽漫相逢借蹉跎鼓角正聽傳晝  
漏顛毛乍看感秋霜清江水濶稀魚素白岳峰高斷  
雁行兄弟愛君眉最白斯須立處話偏長

白門寓寺題壁

寺為馬  
蘭舊居

溪回四面碧鄰鄰金粉銷沈結淨因惟聽迦陵聲唱  
佛不聞鸚鵡語呼人楚魂湘血愁都盡莫雨朝雲夢  
已塵墨竹數莖傳素手姁那猶見好腰身

白門歸後為程諫谷誌感

雷鳴瓦缶聽來頻響亂朱絃雅奏陳信道礮沙針作

杵幾時填石海生塵王門久謝吹竽客仙府難容罵  
座人抱璞無言被褐返荆山有淚莫沾巾

酒醒聞雁

酒酣擁絮四更餘霜月交輝入牖虛嘒嘒數聲鴻度  
早騰騰一夢蝶驚初感生離別經秋緒記起殷勤隔  
歲書此際愁添何處着曉來白鷺欲盈梳

書嘉魚令龐公禦寇錄後

拂衣絕口道功成戀切庭闈寵利輕青史流傳他日  
事白雲慰藉故山情去留雪窖關家國忠孝原無別  
性情莫道懸車年太早壯山前已福蒼生

懷岳堂詩元下

假歸羅家冲拜

元下  
人坐時携翼  
兒同住

三

每上浮槎望故園亂山奔逢台雲昏音容入夢縈情  
事松栢經年記指痕薄宦無端長作客暫歸得假且  
攜孫問安地下還知否頭白孤兒哭墓門

送季女于歸

送爾于歸雨雪天出門惘惘色堪憐賦楸不用矜才  
艷幕酒當思秉禮虔井白親操慈母訓縞綦載咏古  
又賢尊璋堂上承懽日即是劬勞報眼前

謁從母彭四太君

從母恩勤與母同睽違旅髻感霜蓬塵沙客路驅牛

馬雨雪歸途逐雁鴻晚景松凌栖頂鷓慈陰護映駐  
顏童叩惟扶膝開雙眼笑道兒今已作翁

送嫂氏陳孺人歸葬

扶棺出郭到新阡耽閣藏金已六年曾被提攜常刻  
骨既離煩惱應生天鸞鑣夙駕凌綃蓋馬鬣初封挂  
紙錢淚滴夕陽澆酒罷一坏安穩可長眠

席間晤諸親友即與話別

飢驅廿載惜離群此日衡南見白雲人是故交如乍  
識談來舊事即新聞歡生雪夜杯同把愁積霜晨手  
再分老鷓清猿應笑我北山重為勒移文

懷岳堂詩

元下

三

官亭早發

郵亭僕馬戒蕭晨踏凍芒鞋不起塵日彩散霞都作  
綺霜華凝露徧裝銀群鴉出樹多於葉一雁征雲蚤  
似人行客莫嗟裘已敝臘晴氣候已回春

乙丑正四日赴皖初出合肥道上次是堂韻  
路出郊關得早晴春風纔到事南征隔年殘雪依山  
在近日餘霞散水明蘋轉野塘初放鴨柳蘓官道未  
聞鶯此行還往賒千里扶策今經第一程

過投子寺

十里週遭見繚牆重樓複閣入蒼蒼何年締造分天

界此地山川讓法王風雨僧廬歸衲笠乾坤佛國鞏  
金湯有人蓮社傳衣鉢行脚重來主道場

大觀亭

帶郭高低路幾盤皖山盡處皖江寬波搖地軸連城  
動亭撼天心逼斗寒羈客愁多詩是波忠臣恨積血  
成瀾逢僧貪共無生話竹院留連日已殘

盡忠池次是堂韻

同來皖上賦招魂血化春波漾碧痕四海干戈群盜  
起百年忠孝一家存題詩石上剜苔蘚酌酒墳頭薦  
杜蓀弔古踟躕江口路風寒馬瘦易黃昏

懷岳堂詩

元下

詩

同傅思繩登迎江寺塔

有客攜登寶塔顛青螺高涌磴迴旋影垂倒枕千層  
浪勢聳孤撐半壁天雲樹隔江平似水岡巒撲地小  
如拳凌空正與罡風接捲起濤聲到耳邊

舟過池州

羅刹磯頭解纜時江流駛處片帆歛濤聲畫入屈原  
廟艸色春回蕭統祠半壁風扶雙槳去一程山送九  
華移壺中剗酒猶堪瀉手豁篷窗洗瓦卮

過鳩江停舟訪江佩齡歿已三年矣居易他  
姓妻子不知所歸

故人家住鳩江上別後頻年少鯉魚小艇經過維渡  
口雙扉趨叩問鄰居但聞老骨埋荒草不見遺孤守  
舊廬有淚空噙無灑處斜陽歸步漫躊躇

采石謁青蓮先生祠

清風高韻未淪亡遺像宮袍蜀錦裝魑魅喜時顏面  
改蛟龍得後雨雲荒筆收今古歸詩界杯釀乾坤作  
酒場獨上高樓騁望眼江天無際總茫茫

太白樓次是堂韻

如此江山如此人樓頭閱盡古今春酒懷江月無邊  
在詩境烟霞到處新雲影天光朝夕變晴帆雨棹往  
還頻倚闌笑指同遊客金粟誰留現在身

懷岳堂詩

元下

三五

白門旅次柬是堂誠幾思繩

記得殘秋客斷魂秦淮月影漾波痕春潮打棹經秋  
浦殘雪登樓又白門歲月忙中偏易逝風波險處不  
須論由來聚首稱難得且解征裘貫濁尊

過昭關謁伍相國祠

巖鎖重關路阻吳當年橐載走山隅蠶叢匿影悲窮  
谷虎口求生出險途家國回頭千古恨天涯灑淚一  
身孤荒祠過客空憑弔禿樹春寒噪晚鳥  
懷岳堂詩元集卷下

冊數	紙
議價章	年
字第 1.12	月 日
	号

北京市圖書業同業公會印制

